

## Naqqiut

Siunnersuut 23. august 2018-imeersaq taarsilerpaa

### Peqqut

Siunnersuutini kalaallisoortaanii – qallunaatoortaanilu assigiinngissutitaqartoq malugineqarpoq.

Siunnersuutit assilisartai marluullutik assigiinnik oqaasertaqassammata aaqqissuunneqarput.

### Uunga siunnersuut: Eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2018-imeersaq

(Plug-in hybridbiilit akitsuutaat, biilinuut innaallagissamik imaluunniit brintimik ingerlatilinnut akitsuummik akiliisussaanninneq kiisalu qamutit motoorillit nunaannakkoortit minnerusut akitsuutaannik atorunnaarsitsineq)

### § 1

Eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi ilaatigut Inatsisartut inatsisaanni nr. 5, 6. oktober 1999-imeersumi, Inatsisartut inatsisaanni nr. 1, 17. maj 2010-imeersumi, Inatsisartut inatsisaanni nr. 8, 29. november 2013-imeersumi, kingullermillu Inatsisartut inatsisaanni nr. 2, 25. maj 2016-imeersumi allanngortinneqartumi, tulliuuttut allannguutaapput:

1. § 1, imm. 1, nr. 20 atorunnaarsinneqarpoq.

2. § 1, imm. 1, nr. 21, litra a, ima oqaasertalerneqarpoq:

” a) Inuit biilii: Fakturami naliusup 75.000 kr. qaanginnippagu, 50.000 kr.-imik akitsuusiisoqassaaq. Fakturami naliusup 75.000 kr. qaangerpagu, fakturami naliusup 125 procentianik akitsuusiisoqassaaq”

3. § 3, imm. 1, nr. 1, ima oqaasertalerneqarpoq:

” § 3. Akitsuummik akiliisussaannigitsut tassaapput:

1) Qamutit motoorillit, tak. § 1, imm. 1, nr. 21,

a) qatserutitut annaassiniutitullu immikkut sananeqarsimasut taamatuinnarlu atorneqartut,

b) ambulancetut toqusunullu assartuutitut immikkut sananeqarsimasut taamatuinnarlu atorneqartut,

c) sulinermi immikkut atugassatut sananeqarsimasut, sananeqaamminni assartugassanik inunnilluunniit aqqusinermi assartuutissatut naatsorsuussaannigitsut,

d) maskinat sulinermi atortut traktorillu,

e) naalagaaffiit allat aallartitaqarfiinit konsuuleqarfiinilluunniit sulisunit tikisitanit pigineqartut aamma

- f) qamutit motorillit nunaannakoorutit minnerusut sisamanik amerlanernilluunniit assakaasullit aamma
- g) Innaallagissamik imaluunniit brintimik taamaallaat ingerlateqartut.”

**§ 2**

Inatsisartut inatsisaat ulloq 1. januar 2019 atuutilissaaq.

*Namminersorlutik Oqartussat, ulloq 16. august 2018*

Kim Kielsen